

YMDDIRIEDOLAETH ELUSENNOL YNYS MÔN	
PWYLLGOR:	YMDDIRIEDOLAETH ELUSENNOL YNYS MÔN
DYDDIAD:	21 EBRILL 2015
TEITL YR ADRODDIAD:	NEWIDIADAU I'R TREFNIADAU AR GYFER PENODI SWYDDOGION YR YMDDIRIEDOLAETH
PWRPAS YR ADRODDIAD:	CYFLWYNO CYNIGION AR GYFER NEWID Y TREFNIADAU YNGHYLCH PENODI YSGRIFENNYDD, TRYSORYDD A CHYFREITHIWR/WRAIG AR GYFER YR YMDDIRIEDOLAETH
ADRODDIAD GAN:	PENNAETH SWYDDOGAETH (ADNODDAU) / SWYDDOG ADRAN 151 AR GYFER CYNGOR SIR YNYS MÔN
GWEITHREDU:	CYMERADWYO'R NEWIDIADAU ARFAETHEDIG I'R TREFNIADAU AR GYFER PENODI SWYDDOGION

1. Cefndir a'r sefyllfa ar hyn o bryd

- 1.1 Y trefniadau arferol, hirsefydlog ar gyfer penodi Ysgrifennydd, Trysorydd a Chyfreithiwr/wraig ("swyddogion perthnasol yr Ymddiriedolaeth") yw bod deiliaid parhaol (yn unol â'r strwythur a'r teitlau cyfredol) swyddi'r Prif Weithredwr, Swyddog A151 a'r Swyddog Monitro ("swyddogion perthnasol y Cyngor") ar gyfer Cyngor Sir Ynys Môn ("Y Cyngor") yn cael eu penodi i'r swyddi hyn. Os bydd unrhyw un o swyddogion perthnasol yr Ymddiriedolaeth yn peidio â bod yn swyddogion perthnasol i'r Cyngor, mae'r Ymddiriedolaeth wedyn yn penderfynu eu tynnu o'u swyddi fel swyddogion perthnasol yr Ymddiriedolaeth.
- 1.2 Oherwydd cyfrifoldebau'r Cyngor fel gweinyddwr yr Ymddiriedolaeth hon, pan fo swyddog perthnasol yr Ymddiriedolaeth yn peidio â bod yn swyddog perthnasol i'r Cyngor, maent yn rhoi'r gorau i ddarparu'r gwasanaeth hwnnw i'r Ymddiriedolaeth hon ar unwaith a daw trefniadau dros dro i rym hyd nes y bydd swyddogion newydd wedi eu penodi. Bydd unrhyw oedi o ran penodi swyddogion perthnasol yr Ymddiriedolaeth, felly, yn fygythiad posib i lefel y ddarpariaeth gwasanaeth a dylid osgoi hynny i'r graddau y mae hynny'n bosibl.
- 1.3 O ganlyniad i'r trefniadau cyfredol, mae oedi anorfod, ac weithiau oedi y gellir ei osgoi, cyn penodi swyddogion perthnasol newydd y Cyngor sy'n arwain at newid yn swyddogion perthnasol yr Ymddiriedolaeth; mae hyn bob amser oherwydd amseriad digwyddiadau a chyfarfodydd ac weithiau oherwydd cyfnodau gwag yn sgil penodiadau dros dro.
- 1.4 Dylid nodi bod y Trysorydd wedi gadael ei swydd fel Swyddog A151 y Cyngor ym mis Gorffennaf 2014 ac, felly, mae angen ei thynnu o'r swydd fel y Trysorydd.

2. Datrysiad arfaethedig

- 2.1 Er bod yr Ymddiriedolaeth hon a'r Cyngor yn ddau endid ar wahân, mae'r Cyngor yn gyfrifol am weinyddu'r Ymddiriedolaeth hon ac mae'n briodol, felly, bod swyddogion perthnasol yr Ymddiriedolaeth yn cael eu diweddarau'n awtomatig i adlewyrchu newidiadau yn swyddogion perthnasol y Cyngor. Yn ychwanegol, am yr un rhesymau, byddai'n briodol ymestyn diffiniad o swyddogion perthnasol y Cyngor i gynnwys penodiadau dros dro.

- 2.2** Er mwyn gwella effeithlonrwydd, hyblygrwydd ac effeithiolrwydd y trefniadau, cynigir y dylid ymestyn y diffiniad o swyddogion perthnasol y Cyngor i gynnwys penodiadau dros dro a bod swyddogion perthnasol y Cyngor yn dod yn swyddogion perthnasol yr Ymddiriedolaeth ar sail ex-officio.
- 2.3** Effaith y cynnig yn Adran 2.2 fyddai tynnu cyn Swyddog A151 y Cyngor, Clare Williams, o'i swydd fel Trysorydd yr Ymddiriedolaeth hon a'i disodli gyda Swyddog A151 cyfredol y Cyngor, Richard Micklewright. Yn ogystal, mae Prif Weithredwr y Cyngor, Richard Parry Jones, yn ymddeol ar 31 Mai 2015 a bydd Dr Gwynne Jones yn ymgymryd â'r swydd o 1 Mehefin 2015; effaith y cynnig yn Adran 2.2 fyddai gwneud Dr Gwynne Jones yn Ysgrifennydd yr Ymddiriedolaeth yn awtomatig o 1 Mehefin 2015, gyda'r cam hwn yn cael ei nodi yn y cyfarfod cyntaf o'r Ymddiriedolaeth lawn yn dilyn y dyddiad hwnnw.

3. Argymhellion

- 3.1** Cymeradwyo ymestyn y diffiniad o swyddogion perthnasol i gynnwys swyddogion dros dro'r Cyngor sydd yn cyflawni swyddi Prif Weithredwr, Swyddog A151, Swyddog Monitro i weithredu fel Ysgrifennydd, Trysorydd a Chyfreithiwr/wraig yr Ymddiriedolaeth.
- 3.2** Cadarnhau bod Prif Weithredwr, Swyddog A151 a Swyddog Monitro'r Cyngor yn dal swyddi Ysgrifennydd, Trysorydd, Cyfreithiwr/wraig ar gyfer yr Ymddiriedolaeth ar sail ex-officio.
- 3.3** Os cymeradwyir argymhellion 3.1 a 3.2, nodi tynnu enw Clare Williams fel y Trysorydd a phenodiad Richard Micklewright fel Trysorydd o ddyddiad y cyfarfod hwn.

